


պահպանելով, իսկ երեկոցեան ի պատիւ դպրոցի և կրթ-
պահների կառուցման նախաձեռնող և մեծ նեղութիւն-
ներով գլուխ հանող Եղիշէ վարդապետի տեղի ունեցաւ
ընթրիք, որին ներկայ էր քաղաքի երիտասարդութիւնը,
իսկ յունվարի 8-ին քաղաքացիք կրկին ճաշ^Բ տուին տեղա-
կան կուրբի դահլիճում, որտեղ ի միջի այլոց հաւաքուեց
վաթսուն և ութ ուրբի յօգուտ թուրք հայկական կոտո-
րածների արկածեալների: Պէտք է նկատել, որ ժողովուրդը
սերտ կպած է իւր դպրոցին և յոյս ունի վերածելու
այն չորս դասարանեան գիւղատնտեսական տնայնագոր-
ծական դպրոցի:

Ռուսացիչ.



ԱՅՈՒՆԵՆԴԵՑԻՆԵՐԻ ԵՒ ԺՈՂՈՎՈՒՐԴՆԵՐԻ ԿԵԱՆՔԻՑ

Պրաւօսլաւ եկեղեցի ռուսաց

Церк. Вѣстникъ-ի № 45-ում ապուած է մի յօդուած «Աստուածապաշտական լեզու» վերնագրով, որի մէջ ի մէջի այլոց յօդուածագիրն ասում է հետևեալը.—

Ծանր դրութեան մէջն է պրաւօսլաւ քահանան ժամաստ-
ցութեան միջոցին: Նա համազուած է, որ որչափ էլ աշխատի,
չի կարող սգևորել աղօթողներին այն վսեմ մտքերով, որոնք
կազմում են եկեղեցական աղօթքների և երգերի ըովանդակու-
թիւնը, բայց հնարաւորութիւն չունի իւր դարդին դարման
գտնելու: Մեր աղօթքներն ու եկեղեցական երգերն այնպէս են
կազմուած, որ մի միայն խնամքով մեկնաբանելուց յետոյ կարող
են հասնանալի դառնալ: Ճիշտ է, քահանան կարող էր
բացատրել անհասկանալի բառերն ու արտայայտութիւնները,
բայց նա այդպիսով ստիպուած կլինէր ժամերգութիւն կատա-
րել երկու լեզուով: Աւելի բարւոք չէ հետզհետէ պարզ ձև տալ
ժամակարգութեանը, քան բարդել այն մեկնաբանութիւններ
աւելացնելով: Մեր ժամերգութեանց ժամանակ կարգապահու-

Թիւնը խանդարւում է գլխաւորապէս այն պատճառով, որ ժողովուրդը աղօթքներից և երգերից սշինչ չի հասկանում. իսկ երբ նկատում ես այդպիսիներին, պատասխանում եմ, որ անհասկանալի աղօթքների ընթերցանութեան ժամանակ ձանձրանում եմ կանգնելուց և որ իրենք եկեղեցի են յաճախում ձայնեղ սարկաւազի և լաւ խմբի երգեցողութիւնը լսելու: Մենք պէտք է հոգ տանենք, որ մեր աստուածպաշտական ժողովները բողոքականներից պակաս գրաւիչ չլինեն: Ուստի լաւ կլինէր հրաւիրել բարեպաշտ ծխականներին և հարցնել, թէ որ լեզուով առաւել լաւ է ժամերգութիւն կատարելը: Այդ պէտք է սկսենք ցածից ժողովրդից, որովհետեւ եթէ բարձրից սկսելու լինենք, եկեղեցու թշնամիները կարող են դէպքից օգուտ քաղել և ժողովրդի մէջ խռովութիւն առաջ բերել...

—Որ ժողովուրդը միշտ փափագել է հասկանալ ժամերգութեան լեզուն ու երգերի բովանդակութիւնը, որ նա ծարաւ է զգացել գիտակցաբար ընդունելու Աւետարանը և իւր կեանքը հաւատոյ պահանջների համապատասխան գարձնելու, դա էլ հին ճշմարտութիւն է, իսկ որ մատչելի լեզուով նրան եկեղեցական գրքեր տալը միշտ զլացել են, այդ էլ է հին ճշմարտութիւն: Բայց ցանկալի է, որ օր առաջ ուղղուի այդ մեծ պակասը հակառակ դէպքում վաղը ձայնեղ սարկաւազներն ու լաւ երգեցիկ խմբերն էլ չեն կարողանալ եկեղեցի բերել ժողովրդին:

Համառուսական եկեղեցական ժողովի նախապահ- րասական աշխատանքներ.

Անցեալ տարուայ յուլիսին ռուսական Սինօդը առաջարկեց թեմակալ առաջնորդներին կազմել տեղական ժողովներ և որոշել եկեղեցական բարենորոգութեան լնդիւնները: Թեմակալ առաջնորդները շատ տեղ կազմեցին յատուկ նշանակովի մասնաժողովներ այդ նպատակաւ, բայց հէնց հոգևորականութիւնը երբէք այդ մասնաժողովներին հաւատ չի ընծայում և նրանց չի ընդունում հոգևորականութեան կարծիքների արտայայտիչ: Ընդհակառակն՝ հոգևորականութեան տրամադրութեան և կարծեաց արտայայտիչ են համարւում թեմական պատգամաւորները ժողովներ, որոնք հնարաւորութիւն ունին կարծիք յայտնելու եկեղեցական բարենորոգումների մասին, ինչպէս այդպէս յայտնենցաւ Իրկուտսկ քաղաքում: Թեմական ժողովն այդ-